

琉球百問

古虞州藩氏南覽

曹氏醫書上

樂山先生著

每部竹紙連史洋肆卷角

琉球百問

汪寶臣題

國朝嘉道間以醫名吳下者推
曹氏仁伯先生先生生常熟居
蘇垣以儒生通醫術不泥成法
不執成方變化從心神明矩矱
以故從遊者如雲而名馳於域外
生平述作最著者曰琉球百問

昔內經設君臣問答以明經絡藏
府治療之原汪機作鍼灸問對
以發靈素難經甲乙經之義方
有執著條辨或問等書為南
昌喻氏所私湫是皆原本經訓
體例相同方之此書後先媲美

矣琉球東海小國耳其臣呂鳳
儀於道光丁亥年奉使來華
道出吳郡謁見先生請業請益
執弟子禮甚恭觀其所列百問
剖析毫芒非博通斯理者惡能
及此哉而先生隨證疏明窮源

竟委或治本經而先及他經或
論此證而無通彼證者揮則層
出不窮精約則片言可了學者
深思而會通之洵足為證治之
津梁宜乎呂君佩服弗諼逾五
稔而復貽書進質也夫東瀛寶

鑑一書所載證方至詳且備中國相傳經方之外別有所謂海上方者其原亦出神農本草說者謂岐黃之學流播海外由來已久勤思好善之士如呂君者今古不乏其人而吾吳名醫自


薛立齋吳又可王中陽繆希雍
諸人倡於前 國朝以來若尤在
汪張石頑徐泗溪葉天士皆卓
有聲顯名當世先生上接羣聖
下集衆長豈特瀛島所欽仰抑
六華夏羣相尊信也先生詰嗣

一如學博能傳其業咸豐初以
是編授梓人會粵匪東竄而佚
今先生之孫博泉玉年兩君復
裒集殘簡鐫行之以成先志首
列琉球百問附以語錄登過庭錄
延陵弟子紀略由是先生一生

精力之所存與其學識之所至
可以窺見一斑云

光緒七年歲次辛巳秋七月既
望古虞姻世愚姪楊泗孫拜序





咸豐九年歲在屠維
協洽孟冬月既望壬子

板藏福山館
坊間翻刻定行送究

曹君樂山家傳

同里許廷誥撰

昔者吾先君子友教垂六十年。自里門以及四方。遠而至於海外。門下著籍無慮什伯人。而曹君樂山特以醫名盛於時。樂山之於醫也。法三應。驗十全。遠近莫不稱能。無論方舟連騎。曳裾疊跡。望衡投止。日嘗不暇給。至使島夷之君長。梯航效貢。取道胥江。雁臣銜書幣。肅起居。條件百病。謙謹致問。嗚呼。何收名若是其遠且重也。夫然傳樂山者宜

言醫顧余交樂山久。知其醫之外可傳實多。爰詮
次翔實。授諸孤文瀾。藏於家。按君諱存心。字仁伯。
樂山乃別字。常熟福山人。祖裕德。本高氏。康熙中
曹公子民。其母舅也。無子。繼爲後。遂承曹姓。父振
業。卽愚溪封君。有陰德事。見韓司寇所著家傳中。
子男四。君爲長。數歲就外傳。動止循規矩。封君性
嚴。居貧家。無臧獲。若汲井滌場。諸勞苦。咸役使諸
子。稍拂意。卽遭譴訶。君敬凜無違怠。封君夫婦春
秋高。食指日繁重。力難支。憂形於色。君承顏心忡。

仲矢攻苦奪命博一衿娛親心。又念一衿不足支
門戶。乃襤被走吳閫。受業於薛先生。性天。惟時衣
履之樸陋。囊橐之空虛。見者多匿笑。獨先生具人
倫鑑。一見賞識。語人曰。曹生非終窶人也。異日光
吾道者。必曹生。飲食之。陰護持之。下榻位置焉。君
感奮愈自涿摩。盡發先生所藏靈蘭諸秘笈。幃燈
燂掌。常臥不寬帶。積十稔而業大成。封君樂其藝
之成也。來就養。見一堂之中。叅錯雜沓。坐者。臥者。
偃僂者。有起行盤辟。體投地而手膜拜者。封君曰。

嘻。技至此耶。微先生不及此。後先生卒。君經紀其喪。遺書付於梓。君雖發聞成業乎。然自奉儉約。食不重味。衣不襲華。襟懷灑脫。談吐無俗韻。遇貴盛無翁翁熱。爲子擇師。必名儒碩彥。布交寒素。緩急時有親故。待以舉炊者。不可一二數。所親有婢嫁及期。而約未如限。主婦利其手技。不聽贖。君知焉。代償其券。遣還之。絕不令女父兄知。惠之出於己也厚。施不責報。古人以爲難。況不欲其知焉者乎。初寓寶如園。後卜居長春巷。與元配陳碩人。睽居

者十年。至是攜子女偕來入室。當是時天倫聚順
樂意一庭。政由中饋。而外無閒言。無何碩人卒。封
君晚病偏廢。念不忘釣游。還居北街老屋。卑隘甚。
君斥舊更新之。季弟榮療瘍。招來同居。以其能辨
物味。識佐使。爲封君具辦藥裹。仲叔兩弟侍於家。
足力往返福山。凡乾餠脯脩之屬。日繼時至。如親
視膳。逮封君沒。以北街屋與弟而已。不復有先是
東灣有屋數椽。封君賃居久。心欲得之。主者居奇。
封君卒後。主者高懸其值。屬意君。人有尼之者。君